



ORANJESTAD — Un luna mas laat cu planea, cas di gobernador ta bay keda cla. Ayera prome minister Mike Eman hunto cu minister di Infraestructura Benny Sevinger a bishita e edificio y a tene un rueda di prensa.

Yvonne Webb-Kock, directora di Monumentenbureau, ta bisa cu e remodelacion di e cas di gobernador na Lagoen a cuminsa aña pasa. Felipe Construction ta e compania cu tempo aya a gana e destaho publico. Manera semper ta e caso cu tipo di proyectonan asina tabatin contratiempo den ehecucion, pero a logra surpasa esakinan, y por bisa awo cu e proyecto aki di Pais Aruba hunto cu gabinete di gobernador bou coordinacion di Monumentenbureau ta canando bon, segun Webb-Kock. Inicialmente awe e cas mester a wordo finalisa y entrega pero segun Webb-Kock e contratista a priminti cu pa fin di luna e edificio lo mester



keda cla porfin. Pais Aruba ta paga pa e remodelacion pafo, mientras cu paden - pues e mosaiconan y e mueblenan - ta bay pa cuenta di gabinete di gobernador. Cas di gobernador ta bay ta un edificio cu diferente funcion, den sentido cu e ta bay ta mas tanto un cas den cual ta bay tene reunion y recepcion en bes cu gobernador ta bay tin su hogar eynan.

E idea ta pa ambos gobernador y prome minister, si asina e desea, por ricibi y entretene nan huespednan na e cas asi-

Cas di gobernador kedando cla

na Webb-Kock ta splica.

Calidad y turismo

Prome minister Mike Eman a duna un contexto mas hanchico den su splicacion riba e proyecto. Ora gobierno inverti e por ta pa crecemento economico, pero sigur tambe pa crecemento social di e pais. "Y tambe e mester ta mas basa

nastraat hunto cu cayanan adjacente y conectando caya grandi ta proximo riba lista. Segun prome minister Eman esaki ta refleha tambe ten turismo.

Minister Sevinger ta bisa cu tin un total awo di 19 proyecto den Oranjestad. Segun cifranan nobo di ATA, na unda REVPAR a crece un biaha mas. "Ora bo mehora e calidad di e producto, Aruba lo por haya un miho prijs pa e producto y trahadonan entre otro den turismo lo por haya un miho recompensa pa nan trabou. Awo gobierno ta preparando fase dos di proyectonan pa producto Aruba. Infrateam ta preparando esaki y den proximo simannan lo bay reuni cu tur contratista grandi y chikito pa presenta e plannan," asina minister Sevinger a anuncia. □

riba calidad en bes di cantidad." Principio aki a resona den diferente proyectonan di renobacion Urano, di bario, infraestructura y scolnan segun prome minister Eman. Gobierno p a concentra hopi den area di centro di Oranjestad, renobando entre otro henter Caya Betico Croes, watertoren, havenmeesterkantoor, ex-Museo Arkeologico, Corte, drechando stadhuis y awo terminando cu construccion di plasa padu y renobacion di cas di gobernador. Edificio di Algemene Rekenkamer y Wilhelmi-

